

Message Four

Vasahula kah Thlaang Theenna

Teeham Caciim; ; Rom,6:19, 22; Efe,5:25-27; Awl,19:7-9; 1Thes,5:23; Laa,8:13-14

I. Khuiben cauek lungbui te ciimcaih sakna lawngzaw he Khrih ham akatheen, aka ciim, bawilenna oen aka soep vasahula la awm ham mami te thlaangtheen sakna la mami kah hingnaben thlawinna lawngzaw la awm – 1Thes,4:3a; 1Pit,1:15-16; Efe,1:4-5; 5:25-27; 1Thes,5:23-24; Rom,6:19, 22.

A. Efesa 5:25-27 ah mami teng Khrih te cadoelh pathum dawngah thui la aka awm Pathen kah aka soep thlawinna apum boeih te atueng sak.

1. Aka khum dungtue ah tlangkung la Khrih he mami kah awlceknaben tlangna ham thlangboel hamla amah oen mah te nawn u – “va thli, Khrih lawng thlangboel te alungna tih thlangboel ham amah oen mah nawn u angla na zu te lungna u lah” – athaan,25.

2. Mikhuh dungtue ah hing pekung Muithla la Khrih lawng thlangboel te acooengna oen betooet sakna rangoen khuiben acuek lungbui dawngah aciimcaih pe, te dengah thlangboel tah Bawipa kah puipaw la a awm thai ai. He tah vasahula te thlaang theen sakna oen vasahula roekbahna la hingnaben thlawinna la awm- “Te dengah Bawipa lawng Awl tui dawngah thlangboel te silhciim rangoen aciimcaih sak” – athaan,26.

3. Hailam dungtue ah zuloukung la Khrih he amah ngaihhuekna hamla apuipaw la aka awm thlangboel te amah tengah anawnkoep ai- “thlangboel tah ciim tih, caawtbauh akap nawh tih, muenmaawi aka kap nawh nawhatah vuen haawinna nawhatah te anghthli aka awm nawh, aka bawilen thlangboel te Khrih lawng amah tengah anawn thai la awm ai” – he tah vasahula nawinna ham mami kah bawilen tuengna la awm – athaan,27.

4. Aka khum dung tue ah Khrih he thlangboel ham amah oen mah nawn u. Mikhuh dungtue ah Bawipa lawng thlangboel te aciimcaih sak tih, hailam dungtue ah Bawipa tah amah ngaihhuekna ham a zu la aka awm thlangboel te amah tengah anawn koep ai. Te dawngah thlangboel lungna hetah ahih te ciimcaih sak la awm tih, thlangboel ciimcaih sakna tah bawilen oen akasoep thlangboel te Bawipa amah tengah nawn la awm ham ni.

B. Vasahula kah thlaangtheen natah thlangboel khuiah muisam sangthil la aka awm Khrih teng kalawng valaw tih, thlangboel dawng kalawng patoeng atuengna tah thlangboel kalawng angrawng thengna la awm – Isa,43:7; Efe,3:21.

C. Khrih tah aka dem duuen a thlaangthli hamla bawilen bawi lumuek oen lumuek theen tangkiik la awm – Isa,28:5.

1. Bawi lumuek he lumuek nawhatah lupaawng angla awm tih, lumuek ciim hetah lumuek kah akatheenkoek, riepawm tangkiik avangathal lupaawng la awm – Exo, 28:36-39; 29:6; Isa,62:3.

2. Mami tah Bawipa kah riepawm koei im la aka awm thlangboel dawngah Bawipa kah aruep awmna te boet ouh la daan poepa ham angoe, te dengah mami kah riepawm lupaawng la aka awm Bawipa oen haih Bawipa kah thlaang aka theen vasahula la awm ham bawilenna kalawng bawilen nala muisam thawleng tih, Bawipa rangoen riepawm la n’awm u thai ai – 2Kor,3:18; Awl,19:7-9; Isa,28:5; Saam,27:4; Isa,60:1, 7, 9, 13, 19; 62:3; Awl,21:11.

II. Dangkoepna dawngah Bawipa kah awlpui bibina tah mami te Bawipa kah bawilen oen akasoep vasahula la roekbah ham Bawipa kah akasoeng bibi la awm. Efesa, 5:26 ah thui la aka awm khuiben acuek lungbui te ciimcaih sakna kah atloe vasahula roekbahna ham lawng pui tloe awmnawh, te kawu nih Awl,19:7-9 te soepsak ham lawngpui awm nawh.

A. Thlangboel tah Awl tui dawngah aka silhciim hing pekung Muithla la aka awm Khrih kah ciimcaih sakna lawngzaw rangoen athoicam pe la awm – Efe,5:26-27.

1. Hetah Khrih kah Awl dawngah hingna tui la aka awm Muithla awm tite athuinuet. Mami teng Bawipa kah Awl thuihthli he muithla oen hingna la awm – Jhn,6:63.

2. Hing pekung Muithla la Khrih tah awl aka thui Muithla la awm. Bawipa kah awl thuihthli boeih he mami aka silhciim awl la awm. Te tah aka thawleng nawh awl la logos te thuingaihna nawh tih, Bawipa lawng tahe mami teng awlthuina, tahe roe pahoi athui rhema te thuingaihna la awm – Matt,4:4; Jhn,6:63; Awl,2:7; 22:17a; cf, Isa,6:9-10; Matt,13:14-15; Cel,28:25-31.

3. Khrih kah awlthuina he te Muithla la awm. Bawipa kah awlthuina tah hing pekung Muithla kah mikhuh roe la awm – Jhn, 6:63; Efe,6:17.

4. Hing pekung Muithla la khuiben ah aka awm Khrih he acuek lawngzaw rangoen ruemraw te silh bang tih, athai oen zueng atheng tih khuiben muisam thawlengna te athoeng sak ham ta he, tlek ah, aka hing awlthuina te athui poepa la awm.
- B. Te ang silhciemna lawngzaw rangoen mami tah Bawipa kah aka ciim, aka theen, Pathen aka tueng sak vasahula, thawlh muenmaawi nawhatah aka soepnawh la aka awm nawh vasahula la awm ham Khrih oen betoet sak la awm tih, Khrih rangoen thoicam la awm u – Awl,19:7; cf, Laa,6:13; 8:13-14.
- C. Hing pekung Muithla la Khrih he Awl tui kah silhciemna angla ahih te ciimcaihna rangoen thlangboel te aciimcaih sak la awm. Pathenben poekna angla he huen kah tui tah aka laawng tui huhsak la aka awm Pathen kah aka laawng hingna te thuingaihna la awm (Exo,17:6; 1Kor,10:4; Jhn,7:37-39; Awl,7:17; 21:6; 22:1, 17). Tahe mami tah heang silhciemna lawngzaw dawngah n'awm u, te tila thlangboel lawng ciimna oen thawlh muenn maawi kap nawh la awm thai ai.
- D. Efesa 5:26 kah silhna hamla Krik awllung kah athuingaihna tah beeldung la awm. Awlkhueh ruem dung tue ah khawsoihthli he diklai ben muenmaawi kapna te silh ham beldung te ahawna u (Exo,30:18-21). Hin at coeng hin at, mincang oen thlemben rooek cabu ciim teng la law ham angoe tih, Awl tui beldung dawngah silhciem ham la angoe.
- E. Paul lawng awl te te kah silhciemna lawngzaw oen haih athui vengah Krik awllung rhema te ahaw na (Efe,5:26). Logos he cabuciim dawngah dauben thut la aka awm Pathen awl la awm. Rhema tah buelmaihna tue pakhat vengah mami teng Pathen lawng awl thuina la awm (Mark,14:72; Luk,1:35-38; 5:5; 24:1-8).
- F. Rhema lawng mami teng athlaanghing benla thaihu khat khat te pahoi thuina la awm. Tetah mami hoitlangna ham angoe na oen mami silhciem ham angoe nate atueng sak (rawhum beldung tah haidan pakhat la awm – Exo,38:8). Mami khatrip ham awlpui natah amah he ni – Pathen lawng tihin mami teng awlthuina awm kai aw?
- G. Mami lawng aphu koe koe n'khuehna pakhat tah Bawipa lawng tihin mami tengah mah pakhatben awl avan thui nala awm. Hingna dawngah roengna atangtang tah Pathen teng kalawng awlthuina te pahoi n'dangna sawah ni a awm. Mami ah Bawipa kah awlthuina bueng ni muithlaben aphu awmna tang tang la awm – Heb, 3:7-11, 15; 4:7; Saam,95:7-8.
- H. Mami kah thangthuina dawngah awlpui natah Bawipa kah awlthuina te n'lamtoen ham ni. Te lawng apuipaw la vasahula te dang aka ngaih Bawipa kah thinkaw kawngaih angla Bawipa kah dungzan kamthlahna te soep sak ham coeng thaina te mami teng peek la awm – Awl,2:7; cf, 1Sam, 3:1, 21; Amok,3:7.
- I. Mingthimna aka awm tang tang dawngah Bawipa kah mikhai tah Bawipa kah awlthuina oen pumkhat la awm. Bawipa awl athui angla mami khuiah Bawipa kah mikhai awm tite n'ming u. Khrih kah awlthuina tah hing pekung Muithla kah mikhai roe ni.
- J. Mami khuiben ah hing pekung Muithla la aka awm Khrih kah awlthuina he mami kah coengna oen acuek lungbui kah coengna aruem te zueng atheng ham mami khuiah coengna athai te aka sang aka ciimsak tui la awm. He acuek lawngzaw angla ciim sakna tah hingna dawngah aka soeng khuiben thawlengna athoeng sak tih, tetah khuiben acuek lungbui te ciimcaih sakna oen muisam thawlengna kah asoengna la awm.
- K. Mami kah muithla ah aka awm hingna aka pe, awl aka thui Muithla la Khrih rangoen thoicam la n'awm u. Mami tah hing pekung Muithla la khuiben ah Bawipa lawng awlthuina rangoen Bawipa kah bawilenna oen akasoep thlangboel la n'awm u – Efe, 5:26-27; Awl,2:7.

III. Efesa, 5:27 dawngah Khrih kah vasahula la aka awm thlangboel tah hukueng ah “Aka ciim, thawlh aka kap nawh tih, muenmaawi nawhatah vuen haawwna nawhatah teangthli oen aka loeih tih”, aka bawilen thlangboel, Pathen te aka tueng sak thlangboel la awm ai tite thui la awm.

- A. Mami kah atheenna pakhat bueng tah khuiben kalawng Khrih angrawng thenna la awm. Mami khuiah Khrih lawng phu akhuehna tah Bawipa amah kah atuengna la awm – Saam,50:2; 2Kor,3:15-18; cf, Exo,28:2.
 1. “Na mik lawng sengpahrang kah a theen na te a huh ai (Isa,33:17a). “Na thlaangtheenna lawng sengpahrang te a awmngaih sak” (Saam,45:11a).
 2. “Azeh aw, Tirzah angla, na thlaang theen tangkiik, Jerusalem angla lungna nak ap, baaizan pawm ruila aka thloih raalkap angla na ruep awm” – Laa,6:4.

- B. Vasahula roekbahna tah ahih lawng “akaciim tih aka ang himbaai” te athoekcau tih, te himbaai tetah “thlaangciimthli kah doengna” la awm (Awl,19:8). He himbaai tetah vasahula kah athlaangthen nala awm.
- C. Zulawh kuttuukna khawhin ah zulou kung he vasahula kah alantang nalak huta kah athlaang theen nate tare akhuituuk. Mami kah Pathen Bawipa Jesu lawng khaw mami kah thlaanghing cooengna kalawng patoeng aka tueng Bawipa amah kah atheen nate awlpui la akhui tuuk. Mami tah hin at coeng hin at Khrih rangoen thloicamna awm ham angoe, te dengah mami tah Bawipa kah lungna aka kap vasahula la Bawipa ten gnawn ham roekbah thai la awm ai.
- D. Mami lawng Bawipa awl te thangthui teena oen poekheetna la (Efe,6:17-18; Saam,119:15) Bawipa awl dawngah athlaangtheenna te n’huh ham atue lawh veng rooek, Bawipa tah mami kah athlaangtheen nala va cooeng tih, mami tah Bawipa kah aka theen impui la awm ham Bawipa rangoen thlaang then sak la n’awm u dawngah Bawipa khaw athlaang theen nala awm ai (27:4; 2Kor,3:18; Isa,60:7b, 9b, 13b, 19b, 21b).
- E. Efesa 5:26 kah awl tui dawngah silhna tah awlpui la muenmaawi kapna oen vuenhaawn nathli te ahoeitlang pe la awm. Muenmaawi (adek dek) cathli hetah pumsa hingnaben khat khat te thuingaih tih, vuenhaawna hetah ruemrawna oen tuhkai u. Hingna tui lawng bueng ni hingna kah muisam thawlungna oen teang rawkral nathli te acuek lawngzaw angla silhciim pe thai la awm.
- F. Ciimna la awm ham atah Khrih oen betooet haihna ham oen Khrih rangoen muisam thawlung la awm ham ni. Thawlh kap nawhna hetah thlaanghing ruem kah pumsa hingna oen aka tuhkai tu pakhat khaw a awm nawhna oen muenmaawi aka kap nawh, vuen haawna awm nawhna te ni – cf, Laa,4:7.
- G. Te bueng ouhla thangboel tah “te ang ruemrawnathli” a awm nawhna hetah “he tila nawhatah te tila rawlraina” awm ham nawh ni tila thuingaihna la awm. Pathen lawng thlangboel te me ang thaihu dawngah khawseh thawlh peel thainawhna ahuen ah khuen la awm ai – Efe,5:27.

IV. Efesa, 5:26-27 he Laathli kah Laa, 8:13-14 oen vai ahih. Te pahih bawk lawnggh mami te Bawipa kah awlthuina rangoen Bawipa kah apabe lawkoepna te aka lamtoen kawngaih oen Bawipa kah bawilenna oen aka soep vasahula la awm ham aroekbah tite thui la awm – “Oh dumthli khuiah aka awm nang ka pazathli lawng tah na awl ahutuung u, kai khaw ng’hutuung sak van lah! Loe la va law lah, kai kah thlangngaih aw, Bawtui oen aka be tlaangthli sawah, sakhi oen sazuk kirang angla pawngpa lah.”

- A. Laathli kah Laa dawngah Khrih te alungna tih aka tlapthli lawng Bawipa kah dumthli la oengcathli khuiah aka awm Bawipa te ahih kah apazathli lawng Bawipa kah awl te hutuung vengah ahih khawseh Bawipa kah a awl te n’zaak sak lah tila abih – 8:13; cf, 4:13-16; 5:1; 6:2.
 - 1. Hetah Khrih kah thlangngaihthli la mami he mami akalungna Bawipa ham bisaina bibi dawngah Bawipa oen haih pawlnengna te khoemdoen ham angoe tih, Bawipa awl te hutuung poepa ham tite thuingaihna la awm – Luk,10:38-42.
 - 2. Mami kah hingnathli tah Bawipa kah awlthli sawah hangdang tih, mami kah bisaina tah Bawipa kah awlthuina thli sawah ni a awm (Awl,2:7; 1Sam,3:9-10; cf, Isa,50:4-5; Exo,21:6). Bawipa kah awlthli awm mueh la Khrih te mami kah sengpahrang (Isa,6:1, 5), mami kah Bawipa (2Kor,5:14-15), mami kah lu (Kol,2:19) oen mami kah va (2Kor,11:2) la meang phawngna, angna nawhatah athlaanghingben mingciimna n’tu khaw awm ma nawh. Oengcathli kah hingna tah Bawipa kah awlthuina sawah ni apum boeih la awm (Efe,5:26-27).
- B. He thlouthlai cabu la aka awm Laathli kah Laa kah aboet thangthuina la Khrih kah thlangngaih lawng a bawipa he diklai pum boeih te aka soepsak aka theen ram (bawtui oen aka be tlaangthli) te pai sak ham Bawipa kah thawhkoop tharaana (sakhi sazukcathli) oen loela lawkoop ham a thangthui la awm – 8:14; Awl,11:15; Dan,2:35.
 - 1. Te ang thangthuina lawng zuloukung Khrih oen vasahula la Bawipa aka lungna thlaangthli he tethli kah kuttuukna oen aka tuhkai lungna dawngah aka cuut u haihna te tueng sak la awm, te ti angla cabuciim kah aboetna awl la Khrih kah thlangngaih pakhat la aka awm Johan kah thangthuina lawng Bawipa kah Pathenben lungna dawngah aka awm Khrih oen thlangboelben Pathen dungzan kamthlahna te thui la awm – Awl,22:20.
 - 2. “Bawipa Jesu, law loeih” tina tah cabuciim kah aboet thangthuina la awm (athan,20). Cabuciim apum boeih he thangthuina pakhat la atueng sak Bawipa kah alawna te alamtoena oen ah aboet sak.